

范文正公
全集

四部叢刊初編集部

范文正公集叙

慶曆二十二年始總角入鄉校至嘉祐元年來者以魯人
右守道所作慶曆

聖後高宗鄉先生軾從旁竊觀則能誦習其詞問先生
以所頌十一人者何人也先生曰童子何用知之軾曰
此天人也耶則不敢知若亦人耳何為其不可先生奇
軾言盡以告之且曰韓范富歐陽此四人者人傑也時
雖未盡了則已私識之矣嘉祐二年始舉進士至京師
則范公沒既葬而墓碑出讀之至流涕曰吾得其為人
蓋十有五年而不一見其面豈非命也歟是歲登第始
見知于歐陽公因公以識韓富皆以國士待軾曰恨子
不識范文正公其後三年過許始識公之仲子今丞相
堯夫又六年始見其叔彝叟京師又十一年遂與其季
德裕同休于徐皆一見如舊且以公之遺藁見屬為叙
又十三年乃克為之嗚呼公之功德蓋不待文而顯其
文亦不待叙而傳然不敢辭者自以八歲知敬愛公今
四十七年矣彼三原者皆得從之許而公獨不識以為
凡生之恨若獲其名其文字中以自託於門下士之末
豈非當時之類也哉古之君子如伊尹大公仲虺從
之視其上猶之畧皆定於賦畀中非仕而後學者也准
陰侯見高皇帝于漢中論劉項短長盡取三秦如指諸
掌及佐帝定天下漢中之言無一不酬者諸葛孔明卧
草廬中與先主策曹操孫權規取劉璋因蜀之資以爭
天下終身不易其言此豈口傳耳受嘗試為之而僥倖

其或成者哉公在天聖中居大夫人憂已有憂天下致
太平之意故為萬言書以遺宰相天下傳誦至用為將
擢為執政考其平生所為無出此書者今其集二十卷
為詩賦二百六十八為文一百六十五其於仁義禮樂
忠信孝悌蓋如飢渴之於飲食欲須臾忘而不可得如
火之熱如水之濕蓋其天性有不得不然者雖弄翰戲
語率然而作必歸於此故天下信其誠爭師尊之孔子
曰有德者必有言非有言也德之發於口者也又曰我
戰則克祭則受福非能戰也德之見於怒者也元祐四
年四月二十一日龍圖閣學士朝奉郎新知杭州軍州
事蘇軾叙

天曆戊辰歲
蘇軾家壘
子承襲歲歲堂

范文正公集目錄

後學時北文校正

後學黃姬水校正

後學李鳳翔校正

十五世孫啓又同校

十六世孫惟元同校

第一卷

古賦

明堂賦

秋香亭賦

靈烏賦

古詩

謝黃惣太傳見示文集

四民詩

寄題孫氏碧鮮亭

贈張先生

明月謠

上漢謠

清風謠

書海陵滕從事文會堂

上都行送張伯玉

鳴琴

馴鷗詠

古鑑

贈樊秀才

贈基者

歲寒堂三題

贈都下隱者

第二卷

古詩

和人遊嵩山十二題

聽真上人琴歌

和僧長吉湖居五題

酬樂道卿學士見寄

和章岷從事鬪茶歌

和葛闥寺丞接花歌

天平山白雲泉

留題常熱頂山僧居

江上漁者

送蔡挺代父之蜀

鄱陽酬泉州曹使君見寄

和謝希深學士見寄

廬山瀑布

滕子京魏介之二同年相訪丹陽郡

送劉牧推官之兗州

和楊收孤琴詠

絳州園池

晉祠泉

訪陝郊魏疎處士

中元夜百花洲作

覽秀亭詩

祠風師廟提刑趙學士見貽

依韻和安陸孫司諫見寄

依韻鄉尉黃通

依韻和襄陽王源叔龍圖見寄

依韻答賈黯監丞賀雪

依韻答提刑張太博嘗新醢

寄題峴山羊公祠堂

送河東提刑張太博

依韻和提刑太博嘉雪

送謝景初延評宰餘姚

關古堂詩

第三卷

律詩

睢陽學舍書懷

詠史五首

次韻和劉瓊判官對雪

河朔吟

和黃憲太博上知郡杜少卿

過太清宮

寄餘杭全安石段少連二從事

送江南運使張傳度支

堯廟

西溪見牡丹

寄秦州幕明化基寺丞

鳴鴉在秋天

觀獵

鸛鵲

歸鴈

青郊

射陽湖

舟中

寄歐靜秀才

和韓布殿丞三首

送識上人遊金山寺

野色

雜詠四首

書事呈韓布殿丞

西溪書事

得李四宗易書

歐伯起相訪

寄贈林通處士

酬滕子京同年

贈餘杭唐異處士

和沈書記同訪林處士

諸暨道中作

題翠峯院

與人約訪林處士阻雨因寄

寄西湖林處士

越上聞子規

送李紘殿院赴闕

送邢昂處士南遊

送丁司理赴明州

送鄧江賓尉

送常熟錢尉

試筆

送真元二上人歸吳中

寄題許州錢相公信美亭

送何白節推宰晉原二首

送刁紡戶掾太常下第

憶杭州西湖

寄林處士

依韻酬毋湜推官

送石曼卿

送何涉秀才

八月十四夜月

送吳安道學士知崇州

謫守睦州作

赴桐廬郡淮上遇風三首

送韓濟殿院出守岳陽

出守桐廬道中十絕

蕭酒桐廬郡十絕

新定感興五首

遊烏龍山寺

江干閑望

和章岷推官同登承天寺竹閣

齋中偶書

留題江秀才舊居

依韻酬周駸太博同年

依韻答胡侍郎見寄

桐廬郡齋書事

留題方于處士舊居

第四卷

律詩

依韻酬章推官見贈

蘇州十詠

依韻奉酬晏尚書見贈

又用前韻謝晏尚書以近著示及

陳質殿丞挽歌詞

送僧文光

依韻酬府判龐醇之見贈

依韻酬吳安道學士見贈

依韻吳春卿二首

應制賞花釣魚

過餘杭白塔寺

西湖筵上贈胡侍郎

江城對月

送向綜國博通判桂州

芝山寺

昇上人碧雲軒

郡齋郎事

同年魏介之會上作

依韻酬黃瀨秀才

贈鍾道士

道士程用之爲余傳神因題

送魏介之江西提點

遊廬山作

瀑布

贈廣宣大師

移丹陽郡先遊茅山作

贈茅山張道者

京口郎事

懷慶翔堂

依韻酬葉道卿中秋對月二首

贈葉少卿

依韻答梁堅運判見寄

城大順迴道中作

依韻和延安龐龍圖柳湖

和延安龐龍圖寄岳陽滕同年

與張彥太博行忻代間因話江山作

過長安醉別資政鄭侍郎

依韻酬光化李簡夫屯田

依韻酬太傅張相公見贈

依韻酬益利鈴轄馬端左藏

依韻酬邠州通判王稷太傅

依韻酬李光化見寄

寄安素高處士

酬李光化見寄二首

依韻酬李光化叙懷

和李光化秋詠四首

送黃瀨員外

和并州大資政鄭侍郎秋晚書事

和提刑趙學士探梅三絕

和太傅鄧公歸遊武當見寄

即席呈太傅相公

紀送太傅相公歸闕

依韻和提刑張太傅寄梅

又和賞梅

依韻答王源叔憶百花洲見寄

獻百花洲圖上陳州晏相公

依韻答青州憲資政見寄

依韻答并州鄭大資見寄

過陳州上晏相公

和運使舍人觀湖二首

依韻和蘇州蔣密學

依韻和孫之翰對雪

依韻和并州鄭宣徽見寄二首

依韻答蔣密學見寄

依韻和同年朱兵部王賓客交贈之什

登表海樓

石子澗二首

依韻答韓侍御

謝柳太博惠鶴

知府孫學士見示和終南監宮太保道懷五

首

贈方秀才楷

依韻和麗殿院見示二首前集已有一首

第五卷

義

易

論

帝王好尚論

選任賢能論

近名論

推委臣下論

議

上攻守二策狀

議攻

議守

答竊議

讚

楊文公寫真讚

第六卷

頌

皇儲資聖頌

泰州張侯祠堂頌

述

南京府學生朱從道名述

序

太清宮九詠序

朝賢選定惠大師詩序

太子賓客謝公墓讀史詩序

刻唐祖先生墓誌於賀監祠堂序

述夢詩序

尹師魯河南集序

唐異詩序

四德說

說春秋序

第七卷

記

桐廬郡嚴先生祠堂記

南京書院題名記

清白堂記

岳陽樓記

邠州建學記

天竺山日觀大師塔記

書

奏上時務書

第八卷

書

上張右丞書

上執政書

上資政晏侍郎書

第九卷

書

上時相議制舉書

與歐靜書

與周駸推官書

與唐處士書

答趙元昊書

答安撫王內翰書

上呂相公書三首

上樞密尚書書

與省主葉內翰書

上呂中丞書

第十卷

祭文

祭謝實客文

祭胡侍郎文

祭蔡侍郎文

祭石學士文

祭吳龍圖文

祭呂相公文

祭陳相公文

祭韓少傳文

祭知環州种洙院文

祭陝府王待制文

祭謝舍人文

祭同年滕待制文

祭龍圖楊給事文

祭尹師魯舍人文

祭故相太傅李侍中文

祭葉翰林文

祭杜待制文

祭英烈王文

第十一卷

碑

唐狄梁公碑

宋故乾州刺史張公神道碑銘

宋故衛尉少卿分司西京胡公神道碑

宋故太子賓客分司西京謝公神道碑

宋故同州觀察使李公神道碑

第十二卷

墓誌

贈戶部郎中許公墓誌銘

滕公夫人刁氏墓誌銘

都官員外郎元公墓誌銘

贈兵部尚書田公墓誌銘

兵部侍郎致仕胡公墓誌銘

胡公夫人陳氏墓誌銘

寧海軍節度掌書記沈君墓誌銘

戶部侍郎贈兵部尚書蔡公墓誌銘

第十三卷

墓誌

天章閣待制王公墓誌銘

太常少卿賈公墓誌銘

太子右衛率府率田公墓誌銘

忠獻范公墓誌銘

東染院使神君墓誌銘

天章閣待制滕君墓誌銘

試秘書省校書郎知耀州華原縣事張君墓

誌銘

太子中舍致仕上官君墓誌銘

太子中舍致仕范府君墓誌銘

第十四卷

墓表

太府少卿知處州事孫公墓誌表

鄧郊友人王君墓表

龍圖閣直學士工部郎中段君墓表

贈大理寺丞蔡君墓表

權三司鹽鐵判官尚書兵部員外郎王君墓

表

書碑陰

書環州馬嶺鎮夫子廟碑陰

第十五卷

表

代胡侍郎乞朝見表

睦州謝上表

蘇州謝就除禮部員外郎充天章閣待制表

饒州謝上表

潤州謝上表

延州謝上表

謝降官知耀州表

耀州謝上表

乞小郡表

代胡侍郎奏乞餘杭州學名額表

第十六卷

表

讓觀察使三表

謝許讓觀察使表

謝傳宣表

讓樞密直學士諫議大夫表

謝授知鄆州表

鄆州謝上表

遺表

第十七卷

表

謝轉給事中移知鄆州表

謝在中書日行遣公事不當放罪表

鄆州謝上表

謝依所乞依舊知鄆州表

杭州謝上表

謝賜鳳茶表

謝轉禮部侍郎表

乞召杜衍等備明堂老更表

青州謝上表

第十八卷

狀

代人奏乞王洙充南京講書狀

求追贈考妣狀

奏致仕分司官乞與折支全俸狀

舉歐陽脩充經畧掌書記狀

舉張方平充經畧掌書記狀

舉彭乘自代狀

舉許渤簽署陝府判官事狀

舉滕宗諒狀

舉丘良孫應制科狀

舉張昇自代狀

舉張伯玉應制科狀

舉張問孫復狀

讓除樞密副使召赴闕五狀

賀胡侍郎致政狀

第十九卷

狀

陳乞鄆州狀

陳乞鄆州狀

舉李宗易向約堪任清要狀

舉張諷李厚充青州職官狀

薦李觀并錄進禮論等狀

進故朱宋所撰春秋文字及乞推恩與弟寘

狀

陳乞願毫一郡狀

劄子

論西京事宜劄子

論復併縣劄子

乞脩京城劄子二道

乞召還王洙及就遷職任事劄子

第二十卷

賦

老人星賦

老子猶龍賦

蒙以養正賦

禮義爲器賦

今樂猶古樂賦

省試自誠而明謂之性賦

金在鎔賦

臨川羨魚賦

水車賦

用天下心爲心賦

范文正公集卷第一

後學時兆文校正

後學黃輝水校正

後學李鳳翔校正

十五世孫承又同校

十六世孫惟元同校

古賦

明堂賦

臣聞明堂者天子布政之宮也在國之陽于巳之方廣
大乎天地之象高明乎日月之章崇百王之大觀揭三
宮之中央昭壯麗于神州宣英茂於皇猷頒金玉之宏
度集人神之丕休故可祀先王以配上帝坐天子而朝
諸侯者也粵自蒼牙開極黃靈耀德巢穴以革棟宇以
植徽太古之弊明大壯之則風雨攸止宮室斯美將復
崇高乎富貴之位統和平天人之理乃聖大造明堂肇
起明以清其居堂以高而視壁廊焉而四達殿闕焉而
中峙禮以繁而儉必表之以茅教以清而流故環之以
水降二帝之迷焉合五府而祭矣逮夫夏禮秩秩奉以
世室商祀禘祫制以重屋神禹卑宮階以一尺之崇成
湯受命華以三尺之盛赫赫周堂制度景彰七筵兮南
北之廣九筵兮西東之長堂并包於五室室辨正於五
方左青陽而右總章面明堂而背北堂耽然太室儼乎
中黃都徽名之在南取盛德之向陽或謂厥堂惟一厥

室惟九闢闔其三十六戶疏達兮七十二牖亦規上而
天覆復矩下而坤厚近郊之宮廣而能受通天之宇高
而弗偶八方象其幅員九阍象其前後相栢焉聽政之
廟應辰而周彰趙趙焉承天之柱列宿而相望環林兮
葱蔥圓海兮泱泱既方冊而經梁復素飾其廻牆陳位
序以有嚴議法象而必臧示邦域之景鑠期人神之樂
康左右辟雍天子學宮墳籍浩以明備文物森其會同
奉三壽以勗天下之孝設三乏以勸諸侯之風右有靈
臺庶民子來若經始於神明遇占候於昭回天之道也
惟默默以有象聖之心也蓋惕惕於無灾此三雍之大
者故百世以欽哉若夫約周之禮稟夏之正天子升青
陽之位體大德之生彼相協謀有司奉行慶賜必均歷
象必明布農事於準直習舞德於和平止伯益之伐木
禁蚩尤之稱兵惟倉廩兮賑天之窮惟幣帛兮禮邦之
莫無隱不彰無潛不亨蒙蕩蕩之至仁浸瀛瀛之醇精
此明堂之春也萬物爲之榮又若炎以繼天義以永日
始於仲呂之管復于清宮之律天子乃登諸明堂暨夫
太室命盛樂以象德致大雩以祈實升高明而有豫定
心氣而無逸靜百官之事驅五穀之疾無索於闕無難
於門止北伐之威以助養於生生導南風之和以飾喜
於元元此明堂之夏也萬物爲之繁爾乃象正火位德
王全行羽漸干以南嚮穀萬斯而西成天子乃居總章
之奧奏清商之聲圖有功而專任詰不義而徂征脩法
制以謹收藏之令養衰老以惻搖落之情同我度量平

予權衡人社以崇厚兆民報本之志神倉以秘示萬邦致孝之誠此明堂之秋也天下爲之清及夫蟲介時分虎威夕永詩人發其涼之詠日官賓可愛之景天子乃北堂以居南面而省錫欽蒸之慶從祀寒之請於是戒門閭備邊境勞三農於休息警百辟於恭靖關市必易官室必整無用之器斯微無事之官必省飭國典以俟來歲之宜講武經以肅萬邦之屏此明堂之冬也天下爲之靜斯乃順其時與物咸宜適其慶使民不倦者也稽夫宗祀之文大事之辰上儀乎皇皇盛節兮彬彬比於郊也我則取文之勝方其廟也我則取質之純損益其禮尊嚴其親五天之座曄曄以陳五常之席弈弈而倫惟太室之位迺上帝之神作配者先王從祀者五臣樽俎離離玉幣莘莘牲牢之舉既遵於夏后蔬果之薦復本於周人禮無不當誠無不臻聖人於是出齋宮而肅肅被法服而循循酌一獻以從質躬百拜以表寅司儀實相樂正攸賓進俎豆之吉蠲羅篚簋之輪囷六樂咸在統美乎列皇八風相盪同和平大鈞下舞上歌蹈德詠仁非常之祭駿及者萬國莫大之孝蟻懷者兆民於是神醉其德人樂而極太史書於策大夫頌於國頌曰明堂崇之明王祀之禮以成之樂以歌之光天之下教以化之若夫元朝會同群后對越穆穆乎舜門之闕晰晰乎宣燎之發帝時待旦而久求衣以先紆黃組冠通天建日月服乾坤佩干將升崑崙進山嶽之圭當雲龍之軒正聖人之大寶示天下之有尊巍巍焉負宸而

立濟濟焉辨色而入太常正其等衰九賓序其名級中階之前三公屹然應門之外九采察焉阼階之東諸侯以同西階之西諸伯以齊門東北面君子之位門西東上者男之次東門之外則有樂浪蟠木九夷之國西面而北上西門之外則有蒙汜大秦六戎之屬南上而東向南門之外則有朱垠越裳八蠻之族唯北是望北門之外則有葷粥幽陵五狄之種唯東是尚於是旒旌旄進鉦鐃肆觀衛明者蓋取諸離觀光者受之以晉君臣之位定禮樂之道振雅韶以奏文鐸以徇皆望雲而就日必歌亮而頌舜上和而下樂金聲而玉潤況乎晨光赫曦天顏弗遠冕紱兮霞集玉帛兮川歸盛乎王庭之聲明煥乎天家之光輝若北辰之會衆星咸聚衆而在共如太陽之臨多露普湛湛而將晞莫不若三揖于上臣載拜于下行典禮揚風雅訪雋良議窮寡人易幽而覆益賢曷惻而遺野干以盛名器予以休宗社暑聖法於圓闕馳神教於方夏皇哉耀今昔之榮觀至哉敷億兆之純嘏故曰揖讓而治天下者明堂之謂也惜乎三代以還智者間問諸儒靡協議者喑喑而皆膠其增損忘禮樂之大本泥於廣狹廢皇王之大業使朝廷茫然有逾遠之嘆惘然有中輟之議殊不知五帝非公樂而興三王豈襲禮而至爲明堂之道不必尚其興行明堂之義不必盡其制適道者與權忘象者得意大樂同天地之和豈匏竹而已矣大禮同天地之節豈豆蓬之云爾自漢魏之下暨隋唐之際堂或三五之上道非三五

之世爲不暇其厚而取其薄不得其大而得其細享配
之盛歟夫今收斂之類斯爲弗聞是則帝道不施胡
取乎德相皇德不降則取乎合宮故大明堂之設也天
之居之曰曰思思之何也萬微存乎消息慎之何也
非靈鑒之安危將是惟克念以作聖思克念之齊名懼
應說之弗違酒飲收外爲爲准至平之休代思享財於
吾民懼之有難尚瘡痍而百辛故聖人之資儉弗
用而曰多思又費而薄索民庶幾于格耻惟下武之
太寧亦省躬于干戈取諸陳於四方慨風雲以長歌惟
加人其古難思濟濟乎賢者蓋舉一於阜陶迺運如于
天下惟好生之至德思與物而爲春懼幽顯之靡及常
念于仁人雖受人之德始若晦而彌彰故三五之
君子焉或實而無謂惟皇極之大範思天下而與平懼
萬物之或失其心於誠然後見天下齊於無體不
然無歸虎而奇吾何仁之有舍哺而嬉吾何力之
何則誠歸無以無偏浸淳澤以成若樂鳩化於自然
此明堂之道也若無得而稱焉我國家建緯百靈驚
三極東升而於西裝除於分聖未正人神之府以
讓聖人之德也考求格後配天之信諸侯入朝思助祭
之職立上聖之謙而愚臣之惑也臣請考列辟之明術
塞吏士之橫議其制復其位儉不爲其陋奢不爲其
肆出酌乎三五擬議乎簡易漢宗祀之禮正朝會之美
廣明堂之妙道極民人之能事以至聖子仲孫億千萬
期登於斯命於斯受天之禘與天下宜而已乎

秋香亭賦并序

提點車田鉅鹿公就使居之北擇高而背孤嶽而橫
江植菊以爲好命曰秋香亭呼賓酌酒以落之僕賦而
侑焉

鄭公之後兮宜其百祿使于南國兮銓金粹玉倚大旆
於江干揭高亭於山麓江無煙而練迴山有嵐而屏蕭
一朝賞心千里在目時也秋風起兮寒冱寒林脫兮蕭
蕭有翠苔無紅可凋獨有佳菊弗冷弗天采采亭際
可以卒歲畜金行之勁性賦土爰之甘味氣驕松筠香
減蘭蕙露漙漙以見滋霜肅肅而敢避其芳其好胡然
不早歲寒後知殊小人之草黃中通理得君子之道飲
者忘醉而餌者忘老公曰時哉時哉我賓我來緩泛遲
歌如春登臺歌曰賦高亭兮盤柏美秋香而醅頻望飛
鴻兮冥愛白雲之閑閑又歌曰曾不知吾曹者將與
大謝安不可盡歡而韋去乎東山又不知將與夫劉伶
不可復醒而蔑聞乎雷霆豈無可而無不可兮一逍遙
以皆寧

靈鳥賦并序

梅君聖俞作是賦曾不我鄙而寄以爲好因勉而和之
庶幾感物之意同歸而殊塗矣

靈鳥靈鳥爾之爲禽兮何不高翔而遠者何爲號呼于
人兮告吉凶而逢怒方將折爾翅而烹爾軀徒悔焉而
亡路彼啞啞兮如想請臆對而心諭我有生兮累陰陽
之含育我有質兮處天地之覆露長慈母之危巢託主

人之佳樹斤不我伐彈不我什母之鞠考孔艱主之仁
考則安度春風兮既成我以羽翰春柯兮欲去君而
盤桓思報之意麻聲或異於未形恐於未熾知我者
謂吉之先不知我者謂凶之類故告之則反災于身不
告之則稔禍于人主恩或忘我懷靡滅雖死而告爲凶
之防亦由桑妖于庭懼而脩德俾王之興難惟于鼎懼
而脩德俾王之盛天聽甚邇人言曷病彼希聲之鳳皇
亦見識於楚狂彼不世之麒麟亦見傷於魯人鳳皇以
譏而不靈麟豈以傷而不仁故割而可卷孰爲神兵焚
而可變孰爲英魂寧鳴而死不默而生胡不學太倉之
鼠兮何必仁爲豐食而肥倉荷竭兮吾將安歸又不學
荒城之狐兮何必義爲深穴而威城荷圯兮吾將焉依
寧驥子之困于馳驚兮驚駘泰於蜀養寧鶴鶴之飢於
雲霄兮鶴鶴飢乎草莽君不見仲尼之云兮予欲無言
景景四方曾不得而已焉又不見孟軻之志兮養其浩
然皇皇三月曾何敢以休焉此小者優優而大者乾乾
我烏也勤於母兮自天愛於主兮自天人有言兮是然
人無言兮是然

古詩

謝黃憲太博見示文集

松桂有嘉色不與衆芳期金石有正聲詎將羣響隨君
子著雅言以道不以時仰止江夏公大醇無小疵孜孜
經緯心落落教化辭上有帝皇道下有人臣規逸與聖
賢會豈以富貴移誰言荆棘滋獨此生蘭芝誰言龜鼃

繁獨此蟠龍龜豈徒一時異特爲千古奇願此周召風
達我堯舜知致之諷諫路陸之詰命司二雅正得失五
典陳雍熙頌聲格九廟王澤及四夷自然天下文不復
述宗師

四民詩

士

前王詔多士咸以德爲先道從仁義廣名由忠孝全美
祿報爾功好爵爾賢爾賢黜陟金鑑下昭昭姓與妍此道
日以疎善惡何茫然君子不斥怨歸諸命與天術者乘
其隙異端千萬惑天道入指掌神心出冒臆聽幽不聽
明言命不言德學者忽其本仕者浮於職飾義爲空言
功名思苟得天下無所勸賞罰幾乎息陰陽有變化其
神固不測禍福有倚伏循環亦無極前聖不敢言小人
爾能臆釋靈方激揚孔子甘寂默六經無光輝反如日
月鉅大道豈復興此弊何時抑末路競馳騁澆風揚羽
翼昔多松栢心今皆桃李色願言造物者回此天地力

農

聖人作耒耜蒼蒼民乃粒國俗儉且淳人足而家給九
載襄陵禍比戶猶安輯何人變清風騷者日相襲制度
非唐虞賦歛由呼吸傷哉田桑人常悲大紱急一夫耕
幾壟游塋如雲集一蠶吐幾絲羅綺如山入太平不自
存凶荒亦何及神農與后稷有靈應爲泣

工

先王教百工作爲天下器周且意不朽刊之考工記寔

嗟遠聖人制度日以紛窳窳阿房宮萬態橫青雲焚煌
甲乙嗔一朝那肯焚秦漢驕心起陳隋益其侈鼓舞天
下風滔滔弗能止可甚佛老徒不取慈儉書竭我百家
產崇爾一室居四海競如此金碧照萬里茅茨帝者榮
今爲庶人耻宜哉老成言欲撓般輸指

商

嘗聞商者云轉貨賴斯民遠近日中合有無天下均上
以利吾國下以藩吾身周官有常籍豈云逐水人天意
亦何事狼虎生貪秦經界變阡陌吾商苦悲辛四民無
常籍茫茫偽與真游者竊吾利墮者亂吾倫淳源一以
蕩頹波浩無津可堪貴與富修態日日新萬里奉綺羅
九陌資埃塵窮山無遺寶竭海無遺珍鬼神爲之勞天
地爲之貧此弊已千載千載猶因循桑柘不成林荆棘
有餘春吾商則何罪君子耻爲隣上有堯舜主下有周
召臣琴瑟願更張使我歌良辰何日用此言皇天豈不
仁

寄題孫氏碧鮮亭

天地何風流復生王子猷黃金買碧鮮綠玉排清秋
非木亦非草東君歲寒實耿耿金石性雪霜不能老清風
乃故人徘徊過此君冷冷鈞天音千載猶得聞應是聖
賢鐘鍾爲此標格高節見直清靈心隱虛白粉筠多體
貌錦繡見兒童上交松桂枝下結蘭蕙叢秀氣藹晴嵐
翠光凝綠水明月白露中靜如隱君子不願湘靈泣不
求伶倫吹鳳皇得未晚蛟龍起何時蕭蕭雲水間良與

主人宜紅塵滿浮世何當拂長袂坐嘯此亭中行歌此
亭際道遠復道遠不知千萬歲

贈張先生

應是少微星又云嚴君平浩歌七十餘未嘗識戈兵康
寧福已大清靜道自生邈與神仙期不犯寵辱驚讀易
夢周公大得天地情養志學浮丘久鍊日月精壽存金
石性肅作鸞鳳聲陰德不形言一一在幽明何當換金
骨五雲朝玉京有客淳且狂少小愛功名非謂鍾鼎重
非謂簞瓢輕素聞前哲道欲向聖朝行風塵三十六未
作萬人英迺聞頭角者五神長戰爭禍福有倚伏富貴
多虧盈金門不乏雋白雲宜退耕人間有嵩華樓之比
蓬瀛芝田春藹藹玉潤畫錦輝峯巒多秀色杉桂一何
清月窟認瑤池花巖列錦城朱絃冉冉奏金醴遲遲傾
相勸綺季徒顏王信縱橫此樂不尋常何苦事浮榮願
師先覺者遠迹濯吾纓

明月謠

明月在天西初如玉鈞微一夕增一分堂堂有餘輝不
掩五星曜不礙浮雲飛徘徊河漢間秀色若可食清風
起叢桂白露生埤蘭高樓望君時爲君拂金徽奏以堯
舜音此音天與稀明月或可問願我亦依依月有萬古
光人有萬古心此心良可歌酒月爲知音

上漢謠

真人累陰德開之三十天一朝鸞鶴來高舉爲神仙冉
冉去紅塵飄飄凌紫煙下有脩真者望拜何奉奉願君

銀臺上侍帝玉案前當有人問問請爲天下宜自從混沌死淳風日衰靡百王道不同萬物情多詭竟殫累代仁絃歌始能治桀紂一旦非宗廟自然一作白毀是非既循環興亡亦繼軌禍至在朱門禍來先赤子嘗聞自天意天意豈如此何爲治亂間多言歷數爾願天賜吾君如天千萬春明與日月久恩將雨露均帝力何可見物情自欣欣人復不言天天亦不傷人天人兩相忘逍遙何有鄉吾當飲且歌不知義與黃

清風謠

清風何處來先此高高臺蘭蕙國香起桂枝天籟迴飄飄度清漢浮雲安在哉萬古鬱結心一旦爲君開有客慰所思臨風久徘徊神若遊華胥身疑立天台極渴飲沆瀣大暑執瓊瓊曠如塹松丘騰上煙霞遊熙如揖華老語人逍遙道朱絃鼓其薰可以解吾民滄浪比其清可以濯吾纓願此陽春時勿使飄暴生千靈無結愠萬卉不摧榮庶幾宋玉賦聊廣楚王情

書海陵滕從事文會堂

東南滄海郡幕府清風堂詩書對周孔琴瑟親羲黃君子不獨樂我朋來遠方言蘭一相接豈特十步香德星一相聚直有千載光道味清可挹文思高若翔笙磬得同聲精色皆激揚栽培盡桃李棲止皆鸞皇琢玉作鎮圭鑄金爲干將荷哉滕子京此意久而芳

上都行送張伯玉

上都聖人日月一以新睇睇天下才西走堯舜賓百

谷望東浸萬星依北辰直者爲之轅曲者爲之輪一材不復遺況此席上珍南山張公子氣象清且淳懷有綺繡文朝無爪哇親寸心如鐵石不羞賤與貧買臣起白社賈誼富青春寶此金轆轤去去延平津

鳴琴

思古理鳴琴聲聲動金玉何以報昔人傳此弄琴曲

馴鷗詠

萬物有常性性無不貴生風翔與駿奔一一遠害情駘彼沙上鷗皎皎霜雪明月宿滄洲靜日浴滄浪清何以狎溪人溪人澹無營循循自飲啄往往相逢迎徘徊兩無猜何慕復何驚客有懷依依雲水言將歸逐爾羣鷗樂羣鷗爾勿飛此心朱忘者天機非殺機

古鑑

磨此千年鑑朱顏清可覽君看日月光無求照人膽

贈樊秀才知古之孫

五代雲雷屯九野皆龍戰開國如基杆皇極何由建太祖乘天飛大發光華旦樊公江表來經綸速如電微子入姬周倉皇救塗炭四海乃大同萬里聞薰風禮樂與征伐出自明光官大勳未大賞積慶宜無窮李廣不封侯繼世多英雄公有承家子所至神明理復有起家孫一見知千里和氣十洲春清流九江水非有神筆夢繁繁文何綺天子青春朝列鼎招英髦明年桃李開禹浪如霞高之子可變化咫尺登金鼇始知祖德長光輝傳佩刀